



我來談談唐紹儀先生(上)

談園

西南奠定，始之於唐紹儀先生之北上，參加二中全會，

領袖粵桂籍中委，建議中央，撤銷西南執行部及西南政委會

兩畸形機關，於是城狐社鼠，失所憑依，而粵局寢定。桂失

其連難之勢，不兩月而桂局定。願自由我最高當局之沉毅堅

忍，與夫多方面之努力，及民衆之意嚮，有以致之。而望八

高齡之唐氏，所造於國家之功，正屬不細。我今特來談談唐

氏。

氏幼年留學美國，爲第三屆之老留學生，於遜清同治十

三年八月初九日放洋。同行者三十人，粵籍，氏及周長齡徐

振鵬楊兆南鄧景揚唐致堯鄭廷襄黃季良鄺賢偉楊昌齡林沛泉

曹嘉爵盧祖華梁如浩曹嘉祥容耀垣徐之煊諸君，蘇籍，朱寶

奎宦維城康廣齡祁祖彝周萬鵬沈家樹曹茂祥朱錫壽諸君，皖

籍，吳敬榮程大業兩君，浙籍，袁長坤孫廣明兩君，閩籍，

薛有福君。而位望至通顯者惟氏。次之則朱寶奎梁如浩兩君

。(朱曾一度任郵傳部侍郎，爲岑春煊劾去，梁官至丞參)

。問迄今猶健在者，則氏及梁如浩周長齡林沛泉三君。

氏在朝鮮，即見知於袁項城。嗣官津海關道，與袁結託

日深。袁在北洋所辦之新政，氏幾於無一不與聞，以其繁碎

，姑不具論。第就其官京朝後之榮華大者言之。具見氏於民

國之卩生實一極有關係之人也。

氏天才絕人。清光緒末，入官京朝，年四十五六，精力

彌滿，以一身總攬外交交通關稅諸要政，日不暇給。然其生

活，極紀律化。每日黎明起牀，披衣靜坐。將當日應辦事項

，逐一構思，某也如何應付，某也如何措置，約逾一小時，

各有歸宿。始離坐入浴。進早點。次第赴各衙署偃直。遇所

承辦之事，即本晨間構思所得者以治之。苟扞格不通，或窒

礙難行，即又開置之勿問。日入，放衙歸邸，廣集賓朋；恣

情娛樂，不談官事。（氏夙以豪華聞於世，尤講究飲饌，其

庖人治精饌，糜一二百金以爲常，即極普通者，亦非紋銀五

十兩不辦，清末已然）。惟宵未午即就寢。翌晨早起如常。

舉昨云扞格或窒礙者，重復構思。又有所得，又乘之以治去

。如是者日以爲恆。此中年生活及治事之大概也。

氏游處美國久。沉醉美化又至深。平時理想的救國主義

，其自信者有三。

第一、國之貧弱，由於專制，民無主權，故痛癢不相關

。苟易共和，主權在民，國無不富強之理。

第二、共和必須仿效美之總統制。且必須得雄才大略

袁項城者爲之總統。

第三、袁項城爲總統，又必須容納國民黨，以求能比較
的接近民權。

以上爲其一貫之主義也。故辛亥南下議和之際，明知孫
中山先生西來，祇帶精神，無所謂實力，而必爲之鋪張揚厲
，謂其携款若干，携械若干，不惜以里巷之言，形諸章牘，
正有所爲。梁燕孫（士詒）先生，嘗爲人言，渠承乏郵傳大
臣日，隆裕后召對十六次，十五次皆哭，其末一次，謂唐紹
儀電奏，革命勢力，如此雄厚，何能撐持，近年親貴，雖多
不法，賈怨於民，然我母子，未嘗爲惡，今百姓既不諒我等
，我等只可引退，言下痛哭，旋即命擬遜位詔，當日實情大
略如此云云。然則氏之翹造民國，其功豈在革命諸先烈下耶
，於是氏之第一目的已達矣。

（未完）